

Für Geschwulst der Nieren.

Saffris ist / Kornrosenwasser: Rührs wol durch einander / vñnd
seyhe es durch ein sauber Lächlin noch einmal: Dann thue dar-
zu dz gelb von einem Ey / vñnd so viel als des Dotters ist / auch so
viel Honig / vñnd so viel weiß Weel / rührs wol durch einander / vñnd
las wol waichen. Darinnen neh dann Lächlin / truckts wider wol
in der Handt auß / vñnd legs vber den Schaden.

Für Geschwulst der Nieren.

Seud Bonen in einer Laugen / das sie gar waich werden: Zer-
treib sie wol / vñnd leg sie auff ein Tuch / dz heb an die Geschwulst /
vñnd bāhe sie also heiß damit.

Oder.

Nim Taubenmist / vñnd Gerstenmeel / machs mit Essig zu ei-
nem Drey / las wol heiß werden / vñnd legs in zimlicher Wärm
vber. Es were gut / das ein wenig Camillen oder Wöllin krautöl
darunder gemische / vñnd das ein zartes dünnes Lächlin auff das
Cataplasma gelegt würde: Wann man es vberlegen wil.

Oder.

Seud Camillenblumen in weißem Wein / legs auff ein Tuch
vber die Geschwulst.

Für die Filsläuß.

Stoß die Wurzel von Zeitlossen: Seud die in Wasser /
damit wasche dich.

Oder.

Tödt Quetsilber mit nüchterm Speichel / machs mit Reim-
bärgem Schmeer an / wie ein Salben / vñnd schmier dich damit.
Besser vñnd ohnschädlich ist / das die Ort nur mit denen Lächlin
gerieben werden / mit welchen die Goldschmidt / wann sie vergül-
den / das Silbergeschirr abwischen.

Wann

Für erzauberte Lieb.

363

Wann einer vber Landt wil ziehen/vnd die Lauff
fürchtet.

Der neme Lauanderblumen vnd Kraut / vnd Lorbonen / vnnnd
seuds wol mit einander in Wasser / neß darnach die Kleyder dar-
inn/vnd laß von ihm selbst trucken werden.

Für erzauberte Liebe/ & impotentiam.

So man einem die Liebe hat zu essen geben.

Nim Steinrauten oder Maurrauten / vnd heimsche oder
Weinrauten / jedes ein Quintlin / vnnnd ein Quintlin
Theriac: Zerhack die Blätter: Mischs alles vnder den
Theriac/laß in einer Zwiebel braten/ vnnnd gibs ihm dann alles mit
einander.

Contra impotentiam & incantationes.

Nim Dibergeil/ Hirschbrunst/ langen Pfeffer/ jedes ij. Lot/ Sa-
tyrionis oder palma Christi, Calmus/ Aron/ Galgant/ Nessel-
samen/ Borrage/ Bethonien / jedes j. Lot: Stoß jedes besonder
gar klein. Darnach mischs vnder einander: Dā wann du es brau-
chen wilt / so nim morgens vnd Abends allwegen ein halb quint-
lin in warmem Wein. Mirabiliter irritat & excitat torpentes,
etiam à maleficio tales.

Ad idem: Wanns einem genommen ist worden.

Nim von einer Frawen die Milch / ein guts Becherlin voll:
Trincks auß / so wirdt dz verlohren Rechte wider kommen.

Oder.

Grab Wegwartwurk vor Auffgang der Sonnen/hencks an
Hals / vnd iß alle morgen vnd Abend ein wenig darvon.

Mannheit wider zu bringen.

Nim Hirschbrust / Ruscatus / ganzen Saffran / langen
Zd ij Pfeffer!